



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex cap. 15. & 16. lib. 2. Paralip. in quibus describitur
Populi devotio, Simulachrum Priapi comburentis. Asæ impoenitentis fiducia
in medicis posita, & non in Deo.

[urn:nbn:de:hbz:466:1-61252](#)

Chrysost. super Matth. cap. 18. *nihil potentius homine orante.* Agesippus lib. 5. cap. 16. narrat: Ezechiam Regem ingenti hostium exercitu circumdatum, non verba verbis, nec arma armis conferenda credidisse: sed inductum esse ciliciò, texisse caput, cinere pro galea usum, pro joculis intorsisse orationem. Citati authoris verba sunt: *ascendit oratio, descendit Angelus, casu per noctem Assyriorum 185. millia.* Cadavera numerayimus, percussorem non vidimus. S. Jacobus Nisibensis Episcopus, ut vidit, civitatem suę creditam tutelæ, à ferocibus hostium turmis quaquam cingi, & extremum ei excidium parari, non tela in obsiden- tium cohortes, sed preces in Cœlum misit: quô factum, derepentè publicum & ciniphum agmina in ferreos eorum cuneos invecta esse, quibüs territi, fugam ocios capessabant. O Christiane! quot sunt, qui diu noctuque te impetunt? quot membra, tot hostes numeras, quot appetitus & passiones tot inimicos, ad quam ergo armaturam aliam in tui tutelam confugies, nisi ad servidas preces?

Doctrina 3.

Desumpta ex cap. 15. & 16. lib. 2. Paralip. in quibus describitur Populi devotio, Simulachrum Priapi comburentis. Asa impænitentis fiducia in meditis posita, & non in Deo.

N.338. Considera 1. **P**ulchram & utilem in hoc latere Doctrinam moralem: quod venereum Priapi simulachrum in frusta comminutum, combustumque sit in torrente Cedron teste S. Scripturā cap. 15. nomine torrentis hujus, de quo Vates regius Psal. 109. cantat: *de torrente in via bibet, propterea exaltabit caput.* Amarissima Christi Passio designatur, dum asserit Evangelista Joannes c. 18. *egressus est cum discipulis trans torrentem Cedron,* initium positurus Passionis suę, cui tanquam torrenti per servidas meditationes immersa, extingueretur omnis venereæ voluptatis flamma. Ad hunc torrentem se contulit S. August. asserens de se in manuali c. 22. cùm me pulsat aliqua turpis cogitatio, recurro ad vulnera Christi. Cùm me premit caro, recordatione vulnerum Domini resurgo. Cùm Diabolus mihi parat insidias, fugio ad viscera Misericordiæ Domini mei, & recedit à me. Si ardor libidinis moveat membra mea, recordatione vulnerum Domini nostri filii extinguitur. Crediderim; eandem Augustino fuisse mentem inter

inter carnis incendia, qualem habuit olim Ægyptius Joseph, qui fortissimos, impudicæ Dominæ assultus his excusit verbis: Genes. 39. dicens illi: ecce Dominus meus, omniibus mihi traditis, ignorat: quid habeat in Domo sua: nec quidquam est quod non in mea sit potestate, vel non tradidit mibi præter te, quæ uxor ejus es. Quomodo ergo possum hoc malum facere? & peccare in Deum meum? non disparib[us] inquam verbis credo, Augustinum fuisse usum, ad retundendos ueneris assultus dicentem: ecce Dominus meus omnia mihi tradidit, imò tradidit semetipsum: quomodo ergo possum hoc malum facere, & peccare in Deum meum? captus est ille amore mei, & ego capiar amore meretricis lascivæ? ille pro me vulneratus est, & ego obsecnen[us] voluptatibus cum illius gravissima offensa inserviam? ille non habuit, ubi coronatum caput reclinaret: & ego reclinem caput meum roris cinctum Samsonis ad instar in protervæ Dalilæ sinu? quomodo possum hoc malum facere, & peccare in Deum meum? non erat ille mihi obstrictus, & tamen redemit me: ego me illi obstrictum profiteor, & offendam illum? debebat mihi flagella, crux & mortem, quæ tamen omnia pro me lubens subiit: hinc debo illi, quidquid possum obsequii & rependam summas injurias? quomodo possum hoc malum facere? &c. Oseas Propheta obsecnen[us] amaticis concupiscentias ita describit c. 2. vadam post amatores meos &c. At quô tandem modô putas, hanc amantis amentiam, & astuan- tem à libidine impetum esse repressum? en! respondet S. Textus: propter hoc ego sepiam viam tuam spinis, & sepiam eam macericiâ, & semitas suas non inveniet. Quenam verò spinæ, nisi illæ, quæ Sacratissimam Christi frontem transfixere, ab Osea tot abinde sœculis jam prævisa? quis ergo cum Augustinô non dicat: nullum tam potens esse tam efficax contra ardorem libidinis medicamentum, quam mortem Redemptoris. Manu. c. 23. qua- re etiam inter septem hebdomadæ dies sextum videtur Christus ele- gisse, ut die illâ, veneri ab antiquis dicat patiens, fortius venerem impugnaret, à fidelibus in mente volutatus. Hinc Christiane Le- & tor projice te in torrentem Passionis Dominicæ, & extincto libidi- nis igne exardescet in te ignis divini amoris. Quotiescunque tur- pis cogitatio tuam subit mentem, dic ocium: quomodo possum pec- care in Deum meum, amore mei tam amara passum?

Considera 2. Ex sexcentis peccatoribus vix unum reperiri, de quo N. 339. non idem verificandum, quod S. Scriptura testatur de Afa c. 16. di- cens; Nec in infirmitate sua quæsivit Dominum &c. naturale enim est, ut ait

L 113

S. Ber-

S. Bernardinus tom. 1. serm. 13. art. 3. c. 2. & experientia hoc clare ostendit: quod ea, que versantur in mente viventis versantur etiam communiter in mente morientis, dilexit in vita sua gloriam & honores, fastum & pompam &c. iisdem quoque in morte affectus erit. Evangelicus ille Dives eadem nocte, quam in ultimum somnum oculos debebat claudere, non alias mente versabat cogitationes, quam istas Lucæ 12. *Anima mea habes multa bona, reposita in annos plurimos, requiesce, comede, bibe, epulare.* Aptissimè comparatur tempus mortis somno: ut enim in somno occurruunt species de rebus per diem in mente agitatis; ita in morte objici plerumque solent gesta per vitam. Quare avarus ille, qui teste Josepho Mansio in maxima annonæ penuriâ Arimini noluit triticum suum vendere, donec ejus pretium summè accrevisset: postquam audiit, advenisse peregrinas naves, quæ illud duobus solidis & mediò exponerent venale, in rabiem puniente Deo actus, has in voces erupit: *duo solidi cum dimidio!* quæ verba longiori tempore repetens, cum illis effudit animam. Talia benè ponderans Christiane Lector morem habe monitis Eccles. cap. 5. dicentis: *Non tardes converti ad Dominum, & ne differas de die in diem &c.* Sera parsimonia in fundo est. Quæ homo seminaverit per vitam, in morte metet. Si tuo in pomario staret arbor, per integrlos viginti aut triginta annos nullis fœcunda fructibus, nisi merè sylvestribus, crederesnè: illam tunc nobiles fructus producturam, cum de ea cogitares, securi scindenda? quomodo igitur præsumes: paucis diebus, quas forsan in infirmitate tua vives, te dignos penitentiae fructus paritum, qui viginti aut plures annos inter mera via transegisti? repones forsan: non paucos peccatores tranquille mori. Ah! tranquillitas ista pejor est omnī tempestate: tam placida enim mors nasci non potest aliundè, quam ex præsentia Dæmonum, temptationum suarum impetu etiam ipsam fidem eripientium. Arida & nigrescente linguâ si æger non quæritur sitim, signum præsentis delirii præbet. Haud secus peccator moribundus, qui eò devenerit, ut nihil videatur formidinis pati, ipso factò indicat: quod Atheistarum deliriò captus, nec Deum, nec Infernum, nec Paradisum agnoscat. Ad hæc quis persuadeat sibi: Dæmonem tunc temporis adeò quietum fore, nisi prædam jam quasi intra suas fauces hærentem haberet? canis si coturnicem stiterit, etiam subsistit, non latrans, nec se movens: hæc verò ipsa quies certum venatori dat indicium volucrem jamjam esse deprehensam. Ita peccatoris, sine ullo timore morientis status signum

signum est: illius animam jam certâ quasi spe à Dæmonē captam es-
se. Quare refutatâ hâc futili objectione, argumentum Eccles. tibi ite-
rum propono: non tardes converti &c. ne vanâ fiduciâ cum Asa delu-
sus, pereas.



FASCICULUS LI.

Doctrinarum Moralium & Asceticarum.

Doctrina I.

Desumpta ex cap. 19. & 22. lib. Paralip. in quibus describitur reformatio-

Levitarum & Judicum, facta à Josaphat. Impii Ochozia misericordia
exhibita Ioram agrotanti, invisendō eum &c.

Considera I. **Q**uām salubrem & summè necessariam Superiori- N.340.

bus Judices agentibus, proponat Doctrinam Rex
Josaphat, dum cap. 19. asserit de S. Scriptura:
Precipiens Judicibus, videte ait: quid faciatis? hoc est Lyrano teste: ne præ-
cipitanter, sed cum magna deliberatione sententiam feratis. Quare non absque
notamine Matthæi 5. dicitur: Christum Dominum sedisse, ut teste
Abulensi signaretur hâc sessione maturitas Judicii; quam exigunt Ju-
ra dum volunt, sententias nonnisi à sedentibus ferri. Nautæ Jonam
in mare jaetaturi, et si jam haberent fatentem reum, & petentem: ut
mitteretur in mare; manus tamen ab illo retraxere, antequam solli-
citâ, & scrupulosa indagine quæsissent: quid fecisti? imò jam cognitâ
ab eo gravis inobedientiæ causâ, adhuc morabantur, secundam mo-
vendò quæstionem v. 11. cap. 1. Quid faciemus tibi? tunc demum spu-
mantibus cum procellis ad certum vitæ periculum committunt. Hic
Jonas tertîa die ex faucibus balenæ ejectus, typus est Christi, quem ea
de causa scimus, à Judicibus Hebræis & Pilato damnatum injustè;
quòd nimis præcipitanter in illo Judicio res acta sit, invidiâ senten-
tiæ urgente. Aderant tot clarissima Innocentia testimonia, sed his
omnibûs nullatenus auditis, cæcô impetu & furore conclusum est
ocius: